

5563.8  
8222  
v.1

# 卑窩集

乾

RECEIVED  
LIBRARY  
UNIVERSITY OF  
CALIFORNIA



是以其必曰使士獲  
與君進之孝也故不  
蒙澤得位者之謂我  
也平窩鄭公早豈第  
以奉養主潘入侍



甫應曰史事公應對  
不差曰歷代享國久  
遠及得失與公之蹟  
公歷孝三皇以來二  
五桡宋陸羽立夕奪



父始子終者望法漏  
送 上款其博洽明  
快取之申曰良史才  
也盛美其公之所以  
獲之也但惜其枳於



時未及盡淺以學而  
位卑書簡書時之  
省也姓然至郊舊原  
也而賤錢以象 容  
衰務安刻邑也而未



一、周士得立禮俗以  
梁山足以來三牲而  
情至燔黍一爵投綬  
善仕之止之務於伸  
已志而已此所以相



獲之之此也况九  
年洞藻得今讓入老  
之之義夙著八十  
歲無疾有患而歌天  
獲佑孝里之等以里



咸謂至為學之方  
指功之未以大山  
李先生補苴之辭而  
足以推矣至相國在  
曾解門人而公必



曰國美善公稱也彼  
為道而執忘其身以  
公辭卒正直而不畏  
人強禦故也公晚年  
辭叔歸田授徒朋至



每高詠賦詩法無迹  
頗溢選而不喜收拾  
上知存只若千篇七  
世孫持憲玄祐氏付  
以挽崇快碣及石舊



注波德成秩而奄忽  
下世二易鎮華鎮萬  
君臣傳曰度亦相  
祿扣祿望又久病  
不堪為汝然憶曾究



遊三山望浚潭俎豆  
之墟而認其有觀我  
而始述者玩寫山楸  
柏之盛墳庵俄苗之  
圃而認其有克家之



喬公讀公遺學十世  
文毅之概公以  
賢學也滿江三十里  
七林之督亦公造和  
之力也嗚呼出公獲公



于明主施澤于生靈  
入閭祀奉於先祖垂  
祐於後昆如公可謂  
吾人益之獎大夫也  
丙寅大寒首先州



盧相稷誨書

夫人幼而學之壯而  
壯而之也然學在已  
與不在人是所以  
君子求諸已而不求



諸人古以病難移在  
此身耳寓東萊郭公  
以聰悟特達之資早  
司留意於學學之不  
掇蓄而茂之衰然為



南士翹楚並以博士  
策明陵乙未擢上  
第時年二十五以副  
正字入侍上問歷  
代傳統汜義得失公



起伏累如波一望差  
漏 上 既 逝 正 日 博  
治 氏 此 人 也 俄 而 出  
為 子 曹 以 汶 鼎 聞  
上 嘉 之 特 賜 表 表 一



然夫以天鑑之明  
前後寵褒有如是宜  
若因之名陞晉遷內  
而掌報閣錄編外焉  
而任方面之重亦何



法不可也獨索時端  
飛張公又目以疎  
之雖不苟也  
極皇亦即  
由以法學可勝之



武公已居于家不以  
我嗟見也辭嗟務內  
惟年二就極溫清之  
孝為遠祖墳塋浦江  
造方舟以便省設暇



日取舊讀經史溫習  
其要旨尤喜讀晦庵  
追陶二夫子書不乞  
老之將至與權清臺  
權江左李大山諸公



今存書疏可訊不絕  
然公之學雖不以  
從時而亦此亦可見  
其有以本矣公其述  
歲久而述之編之為



二島在七代孫司諫  
玄禧氏之仁嘗竭誠  
收摭國以補諸缺也  
而未就而歿司諫之  
子鎮華克追先志齋



遺稿遠來相訪囑不  
侮正誤豕亥而并文  
于卷其故乎哉舜不  
獲僅卒與詩至子  
輅而不謠乎繩墨書

卷之五

五

其記其誅文亦雖零  
星乎亦必從實寫去  
辭多殊福如也後必  
有善讀者上未言之  
為不征是以書



歲年未日初五

真城李中均序

田  
東宮文集序

十四



卑窩文集目錄

卷之一

詩

往訪徐上舍

延望

於西峯山蹊茅塞溪石險

側艱關往來及出洞口大道坦坦洞豁可

由馬上思鄒夫子舍正路不由之訓感發

自警

道中

歸路馬上復用前韻二首

用前韻贈朴別將

回路過法泉洞口白足持肩輿來待

洛中書懷二首

漢城旅舍

箕城倅罷官歸以一絕贈之

奉酬金丈

玄瑞

次贈金司藝

久客少睡金司藝來訪直廬亦云然使守廳

童子歌春眠曲以爲喚愁之資戲吟一絕

輓李祥裕

寅瑞

金正字

達元

訪余于金郊郵館畱月餘舒懷



達元去後又用前韻

元子誕生喜次金佔畢齋先生冊封 王世

子韻

酬徐上舍見寄韻三首

用前韻呈慎上舍

爾大

以假都事馳往白川途中遇雨自歎

到白川用前韻

登慎上舍江亭

與金正字夜坐論別懷二首

又吟一律用前金字韻

呈慎上舍二首

政院宿直獨坐無聊次唐詩以自遣

旱餘得雨二首

郡齋雷雨憶慎上舍

徐上舍有約不來獨坐偶吟

倒用前韻吟三絕

酬趙上舍<sub>珏</sub>見寄二首

與朴別將夜話二首

公退無聊用前韻獨吟

徐上舍伯仲及其從姪<sub>震煥</sub>一時來訪共吟



夜坐共次唐韻

別徐上舍伯仲

鄭察訪惠大來訪共吟二首

夜坐二首

用前韻別鄭察訪

遣懷

徐上舍仲久來訪

夜坐拈韻

贈別徐上舍

贈別趙秀才光普

秋日獨坐二首

早秋嘗梨有吟二首

俞聖達訪我於錦城東閣仍示一律  
念拙以

和

贈鄭上舍鳴瑞

命官僮拈韻

鄭上舍投示一律仍步其韻

春夜逢喜雨仍步杜工部韻二首

贈姜友永爾

姜友將歸挽止不得以詩記之二首



以賑恤事往南倉見黃使君去思碑有感而  
吟

丙午仲夏十五夜與充養齋諸君論文舒懷

因吟三絕

白場呼韻因示充養齋諸君

六月四日逢喜雨拈次唐韻示充養齋諸生  
翌日會充養齋分詩賦較藝終日而罷此實

南來後第一勝事也構一律示諸君

次杜律五言三首

走草

次人韻

贈鄭上舍

旅館除夕次月沙集韻

是夜復吟

孟夏苦雨終日因次杜詩雨不絕韻

朴典籍金司藝蔡司錄諸員流頭日濯足于

碧松亭有詩追次其韻

甲寅

潦雨連日不得往訪親朋沙川朴丈吟一律

以示之因次其韻

疊前韻



奉和蔡司錄贈宋殿中韻

用前韻述客懷

安友

宅重

得第榮歸李上舍

廷臣

賦詩賀之

次其韻以贈

冬間泮中知舊次第還鄉獨與金司藝逐日

相從以綦局相戲以舒其事二首

朴丈次韻以示復用其韻呈二首

雪寒甚寧四壁凝霜聊吟舒懷

金君

奎錫

有次韻余又和二首

次金君五言二首

用上韻自述

次贈金君

春日次月沙集紙鳶韻二首

柑製日拈月沙集韻以志喜二首

慟寒擁衾塊坐金順則來訪以三種鄉果投

之喜謝其意

數日後金君來訪疊前韻贈之

自述

除夕次月沙集韻

正月二日夜與金丈

玄瑞

共次月沙集韻二



首

初四日夜與金丈又次月沙集韻四首

宋丹城 以詩示之戲次其韻

與金丈夜坐詠燈火

上元與禹正字 李保寧

漢相

崔博士

諸人賞月踏橋夜溪而歸賦得三首

吟呈李保寧

又贈李保寧二首

奉贈宋殿中

雨中次呈李保寧

晴後

慈闈今年八十有八歲私心喜懼未敢一息  
弛也夏秋間累愆氣候賴天之佑竟得回  
春儘今日吾家莫大之慶也是年九月二  
十日爲設小酌鄉中父老多臨筵獻壽不  
肖輩感喜尤何如也李院長溟首呼七言  
絕句座上多續而和之不肖輩謹次其韻  
又以未盡意更構志喜四韻奉謝諸公

輓洪上舍伯經

禹疇

贈俞聖達



次安上舍子仁錫龍寄惠韻二首

筵說

卷之二

書

答清臺權文相一〇丁巳

答權江左萬

與李大山象靖

與朴臺憲文秀

與申察訪鳳休

答申察訪

東坡全集卷之五

答金侯尚默

與安浹

答族叔之鉉

與族叔

答族叔

與族姪好相

與金戚叔

與舍弟道瞻重岳

答道瞻

與道瞻



答仲兒必忠

答必忠

寄必忠

答必忠

寄必忠

答季兒必弘

記

松溪菴重建記

雜著

松溪菴重建敘事



東甯文集目錄

卷之三

祭文

祭洛厓安丈 日履 文

祭都事南公 溟翻 文

祭李郡守士元 昌順 文

祭鄭上舍 翊夏 文

祭洪戚叔 聖龜 文

祭外舅安公 守弘 文

祭妹壻安 浹 文

祭安濟卿 櫟 文



祭權君馥桂文

祭全姪以德文

祭安上舍子仁文

祭伯父處士公文

祭從兄拙菴公重泰文

祭從兄處士公重恆文

祭亾室淑人順興安氏文

祭從姪翰龍文

祭從姪世宅文

祭孫婦襄陽權氏文

皇清文獻通考

墓碣

五代祖考嘉善大夫行龍驤衛護軍府君墓

碣

卷之四

附錄

遺事

行狀

墓碣

墓誌

輓詞



祭文

知舊酬唱

知舊往復

卑窩文集目錄



卑窩文集卷之一

詩

往訪徐上舍

延望

於西峯山蹊茅塞溪石險

側艱關往來及出洞口大道坦坦洞豁可由

馬上思鄒夫子舍正路不由之訓感發自警

我是塵世客鬱鬱縻官寄暇日步逍遙西望雲峯峙

山秀盍往觀趣駕戒行李出門大道平發軔自此始

駸駸載馳驅縱橫驕馬恣中道忽改路俚俚迷所至

驅馬入山谿小徑斜復迤欹側若軒輊屈曲如骹骹

荒穢久不除荆榛手自披茫如羝觸藩不退亦不遂

詩

地僻山且幽白日見魑魅蟲蛇或當道茫然使心悸  
回轉亦多歧欲下楊朱淚溪流失水性鳴激如忿憤  
寧爲智者樂汨汨徒聒耳有時緣崖壁鑿鑿露石齒  
我馬或跼蹐我僕多顛躓不知蜀道難其險也如此  
致遠那可期盡日行數里艱難實飽嘗心亂身亦瘁  
日暮道且遠卻步思回轡靡靡出山谷隱隱踏平地  
憂喜復初路如砥且如矢洞豁一脈通不參亦不貳  
豈有茅芻塞憂無塵埃起支履得元吉攸往無不利  
蹶趨豈動心疾徐俱適意政得我驅範堪爲人所視  
翻思入山時良久興歎喟大路小路間險坦何太異



一險一坦處勞逸判憂喜豈惟此路然吾道亦猶是  
道有邪正別惟義與不義不見由義人正大無回避  
不見不義人放僻多姦詭不義爲小人由義爲君子  
君子坦蕩蕩廣胖安素履小人長戚戚窮危懷危惴  
惟吾此日路一一堪比擬險坦及邪正彼此同一揆  
昔者鄒夫子過欲存天理曰義爲正路灼灼見明旨  
嗟嗟叔季來仁義路久委孰能行此道不遠斯在邇  
邪正可審視出此入于彼行正與入邪匪人皆我自  
曰余昧前訓望道堪自棄冥行三十年悠悠徒費晷  
居然昨日行險易分爲二緬想亞聖戒戛覺近取譬

因茲可自警首末聊備記

途中

訪友行山徑草深沒馬蹄有邨皆是柵無谷不爲溪  
地僻何人過林幽但鳥啼停鞭迷所向雲出小峯西

歸路馬上復用前韻二首

遂成訪友約催御赴官蹄不欲患金館那堪謝玉溪  
山雲聚復散林鳥歇還啼白日欺人甚殘暉已落西  
宅與山俱僻閒行見鹿蹄綺張環屋嶂笙奏繞門溪  
最愛白雲起時聽黃鳥啼東歸何太促佗日又將西

用前韻贈朴別將



愛子畱無術呼童繫蹇蹄舉柸看倒甬調瑟雜鳴溪  
庭草何心長山鷺盡意啼此間清趣足須勿促歸西  
回路過法泉洞口白足持肩輿來待  
倦向官途十里餘有僧來拜荷肩輿停車爲問山家  
味報道春溪採蕨初

洛中書懷二首

久作城中客誰云避俗紛看書聊索奧對友卻忘曛  
節物春長動詩情酒半醺九重知咫尺仙樂幾回聞  
散人無外事忘卻世喧紛懶睡迎朝旭耽棊到夕曛  
興來時自詠愁破卻微醺更有餘閒在心朋細話聞

漢城旅舍

遲遲何係戀經歲滯京華報效丹心苦栖遑白髮多  
一柸堪痛飲萬事欲狂歌親老違優養還慚汗漫過  
箕城倅罷官歸以一絕贈之

世間誰是又誰非笑出公門匹馬歸遙想故鄉雲水  
地白鷗相見不驚飛

奉酬金丈

玄瑞

向晚交情各任眞皮毛寧作白頭新悠悠萍水相從  
樂過了三冬又一春

次贈金司藝



流光如客不曾休  
臘盡長安意轉悠  
瓊什忽來仍見  
名寧辭佳節泛觥舟

久客少睡金司藝  
來訪直廬亦云然  
使守廳  
童子歌春眠曲以爲喚睡之資戲吟一絕

自從爲客苦無眠  
聞道官齋亦少眠  
爲問前宵侍童子  
幾回歌曲和春眠

輓李祥裕

寅瑞

南溪餘派發源深  
孝友傳家世共欽  
人事悲歡何足  
說盈虛一理自相尋

早歲熊羆叶夢遲  
猿腸更斷哭螟兒  
晚來鳳穴雛還

好餘慶終看裕後垂

忘形淡契百年中浮世交遊一夢空  
天地茫茫餘白髮亂山斜日泣秋風

金正字

達元

訪余于金郊郵館留月餘舒懷

摻裾更願少遲留子去吾何慰客愁  
談笑一燈照肝肺獻酬同榻和瓊瑤  
嶺中縱得佗時會塞外難重此日遊  
千里行程須自愛朔風寒雪暮雲悠

達元去後又用前韻

去後詩篇篋裏留一回披讀一銷愁  
淋漓健筆驚風雨灑落清詞粲琰瑤  
關塞此筵難再會洛陽佗日儻



重遊青袍白馬今何處三復圭章意轉悠

元子誕生喜次金佔畢齋先生冊封 王世

子韻

誕降元良賀禮成千官環珮趁平明休光重看前星  
煥瑞氣新從少海生儲嗣望孚宗社慶謳歌歡洽野  
朝情頒宣八域洵恩霈到處爭騰頌禱聲

酬徐上舍見寄韻三首

一方咸仰碩儒名今古文章孰重輕書考典墳原壘  
壯詩成珠玉賀囊盈鵬飛紫海方搏翮鶴唳青霄已  
聞聲南客幸蒙高士識爲懸陳榻數逢迎

詩

一官何足顯身名浮世紅塵扇外輕  
南嶺宿雲頻聚散西天寒月幾虧盈  
心愁驛路浮雲色耳厭山間亂瀑聲  
準擬明春歸作伴洛汀鷗鷺肯相迎

莫道西郵久屈名駟蹄雲路逐風輕  
官無簿牒詩能就客自湖山酒又盈  
春意每看花柳杪閒情時趁管絃聲  
箇中何處心如碎束帶朱門倦拜迎

用前韻呈慎上舍

爾大

十年西海飽高名一識荊州萬戶輕  
秋水襟懷清淡淡春風睂宇美盈盈  
青瓜種得秦戾手白雪歌傳郢客聲  
釀菊鱸期後日月汀煙榻儻重迎



以假都事馳往白川途中遇雨自歎

凍雨濛濛苦未休征驂何事指銀州  
官銜自媿名爲假身世還嗟寄若浮  
泥路驅馳人莫笑戟門候謁我堪愁  
江陰古渡移時坐帆外雙雙起白鷗

到白川用前韻

風塵那得暫時休朝向黃州夕白州  
心與雲山千疊亂迹同萍水一團浮  
蒼梧暮落微臣淚碧草春生遠客愁  
昨夜偶成南浦夢煙汀依舊有閒鷗

登慎上舍江亭

爲愛江亭累到休臨風一嘯世情悠  
攜來官酒醒還

醉徙倚欄干詠且遊雨暗煙波催逸興日斜驛路起  
離愁丁寧畱與重來約沙上佗時證白鷗

與金正字夜坐論別懷二首

邂逅論襟利斷金佗鄉况是一般心空山葉下看秋  
盡虛閣燈殘覺夜深遊客未能開好意歸鴻何事送  
哀音羈愁誤道憑詩遣詩思淒涼不欲吟

楓林霜菊堆殘金千里悲秋共客心九陌風埃從此  
遠故山叢桂爲誰深君看西月須回憶我聽南鴻定  
寄音嶺路若逢相識問二松常對獨哦吟

又吟一律用前金字韻



分明昨約重千金手額那堪此日心江上歸期孤帆  
遠天涯旅恨一燈滾雨餘庭草交新翠風外枝鶯送  
好音回首碧峯長入望更懷前夜對牀吟

呈慎上舍二首

負郭臨流結草堂門前五樹盡垂楊晨炊漁店菰煙  
煥夜泊鷗洲荻月涼勝地來畱今已晚公庭歸路更  
何忙秋江鱸鯽應堪膾準擬重來共一牀

一年三度坐高堂繫馬門前暎綠楊山雨來時春帆  
重海潮起處夕樓涼畱連爲愛林囟靜奔走翻愁世  
路忙借問主人何所有數叢芳菊一書牀

政院宿直獨坐無聊次唐詩以自遣

起坐天明到夕暉  
公庭無事鳥空飛  
詩因病後吟哦  
廢客自春來訪訊  
稀斷斷微忱輸藥  
院依依殘夢繞  
萱闈思鄉戀闕情  
何極強欲登臺爲  
整衣

早餘得雨二首

微月西行赤道通  
密雲浪藉上天同  
寒聲浙瀝松溪  
北潤色浸滋菊砌  
東隔戶浴鳬隨漫  
浪拂檐飛鷺任  
輕風祈祈沃土膏  
禾黍爭道今年占  
大豐

沛然天澤忽流通  
萬彙咸亨喜氣同  
白白飛鷗江上  
下青青垂柳岸西  
東三農正好知時  
雨八域方薰解



愠風衢老莫歌非帝力聖心恆切願年豐

郡齋雷雨夜思徐上舍

伐木三章政欲成雨師何事動雷聲檐間坐鷲飛妨  
濕葉底藏鳩喚失晴陳榻高懸爲誰設袁桷長滿自  
能傾甘霖不讓山陰雪莫憚衝泥傍險行

徐上舍有約不來獨坐偶吟

知有前期在官門蚤已開邨獮羣吠急浪喜故人來

倒用前韻吟三絕

有信知交道過期何不來愛君耽酒癖官釀已先開  
今日看看盡明朝或早來爲呼閭者道客至門催開

徐君大信士有約定應來明朝陳榻上青眸儻好開

酬趙上舍

珪

見寄二首

趙之胤請學於我故第五句及之

晚識韓荆託末契萍蹤何幸得良儔鵬圖志遠期千里雞肋官微督一郵請學自知師不敢憐窮還媿急難周邇來時月心萌吝三復瓊章悵獨畱

生逢堯日光明際志慕虞廷稷契儔心與事違無報國分隨才拙柰蘇郵北堂歸夢山千疊西塞羈愁歲一周翹首南雲長起憶釣耕何日好淹畱

與朴別將夜話二首

宿雨初收夜氣清更涼虛閣繞蟲聲同心有話燈相



照一榻論詩酒并行傳命我慚官記馬報邊君是將  
干城前期且莫秋爲約寂寞郵亭少送迎  
提攜官閣坐霏微觴詠筵前世念稀憐我客心無好  
致歎君詩思有神機相傳歡意黃鸝轉共寫閒情白  
鷺飛還向夕陽催別恨驛亭煙樹遠依依

公退無聊用前韻獨吟

閒靜官衙接翠微坐來終日簿書稀境同佛界堪逃  
俗身似漁翁已息機雨歇庭前看草長風微天際察  
鳶飛最宜入夜懸燈處精白眞心覺有依

徐上舍伯仲及其從姪

震煥

一時來訪共吟

東坡文集卷之一  
獨坐昏昏睡欲成忽驚風外叩門聲良朋果踐前期  
至好雨還從昨夜晴要得新詩瓊響動爲傳官釀王  
栢傾邇來客恨憑君解莫怪臨筵強挽行

夜坐共次唐韻

耽遊忘卻日渾長秉燭罇前續夜光一榻新詞飛玉  
屑連衿細話襲蘭香山家歸路休嫌晚官閣論文亦  
不妨郭外清流添勝景奇觀何必問瀟湘

別徐上舍伯仲

惆悵郵亭送客處嚶嚶林鳥喚愁生那知昨夜欣迎  
意還作今朝惜去情短律不堪爲贈別薄栢其柰莫



畱行君過南浦須回聽渚水分流有咽聲

鄭察訪

思大

來訪共吟二首

昔年遊宦共西京此日重逢志竟成  
千里離違傷歲晏一筵談笑喜秋晴  
休將世事爲心累且進官牒使  
氣平可惜殘陽催別意前邨無數暮煙生

識子何年別漢京異鄉茲會若天成  
罇前風日催寒急檻外煙雲向晚晴  
初說客愁心欲折更論詩句意  
差平臨行莫道前期在魔戲由來窘此生

夜坐二首

洛城一別已多時幾向西天費遠思  
萍水重逢知有

詩

數匏樽相對可無詩  
嶺中舊識惟君獨  
海外新交夏是誰  
千里客懷同此緒  
說來燈下不勝悲

坐到參高月上時  
共開情意慰相思  
羈懷說去添新恨  
小酌傾來拈古詩  
此會明年知未再  
溪交異日更云誰  
世間離合元關數  
不必臨筵浪自悲

用前韻別鄭察訪

落日西風送客時  
秋聲咽咽起愁思  
臨分更進三杯酒  
欲去須畱七字詩  
風檻明朝惟坐獨  
月牀今夜更聯誰  
由來別意元難禁  
塞外離君較最悲

遣懷



寥落孤郵際海涯  
關山迢遞道途賒  
羈愁秋月兼春草  
時物桃夭又菊花  
欲寄鄉書看去鴈  
難成客夢聽啼鴉  
青袍白馬今何事  
洛浦雲山是我家

徐上舍

仲久

來訪

西海新交愛子最  
溫溫風味又文章  
名高早仰青衫客  
歲晏重看白面郎  
耽酒阮劉如在坐  
能詩李杜若無傍  
方今聖世文明值  
會待侬年上廟廊

夜坐拈韻

有朋來自碧峯西  
盡日談詩意不迷  
正好清風生夜閣  
更宜新月滿秋堤  
心肝兩照孤燈在  
坐臥相親一

東坡文集卷之二  
枕齊憐我客懷無好致忍聞  
函下草蟲啼

贈別徐上舍

不嫌炎熱數相尋從此交情覺轉深  
山鳥數聲添別恨長時啼徬竹西林

贈別趙秀才

光普

他鄉千里久相隨誰道新知異舊知  
爾欲稱師誠不敢我當呼友請無辭  
閒時博奕聊銷鬱暇日詩書或講疑  
歸赴鯉庭還告別客心從此可堪悲

秋日獨坐二首

金風颯颯鴈初飛夜月家家亂搗衣  
塞菊再逢爲客



久鄉書不至問安稀誰憐張翰秋懷去自媿陶潛早  
賦歸寥慄羈愁禁不得眼前罇酒酌來微

升沈身世如輕絮翻覆人情似亂波蘇子位高妻亦  
懼翟公門冷雀還羅彈琴每恨知音少擊筑誰憐寓  
意多羈繫一官堪可笑幾時回首任長歌

早秋嘗梨有吟二首

海西嘉實最稱梨萬顆勻圓九月時爽液固知名擅  
美早秋今看種尤奇黃圍箇箇金爲體白破鮮鮮雪  
作肌炙背獻芹千古意愚忱還憶拜丹墀

珍美西關樹爭稱七月梨味香堪薦享液爽賸霑飢

感物思先祖離家憶穉兒二年嘗此果還媿客行遲

俞聖達

訪我於錦城東閣仍示一律念拙以

和

南州舊識獨吾君相許心肝且會文千里客懷春已  
暮一燈人語夜將分幾年豹隱南山霧早晚鵬移北  
海雲慚媿此儂無好致劫佗詩債質來勤

用前韻贈鄭上舍

鳴瑞

昔年京洛始逢君一見清標煥有文嶺樹幾回千里  
別海符新佩九重分招邀浪詠酬官酒公退閒遊踏  
洞雲歸期六載今休說荒歲求窮已倦勤



命官僮拈韻

薄宦南州客二年躡蹻身世最堪憐  
憂深渤海治民日興入香山載鶴船  
嶺外瘴雲濃似墨城頭春水闊如天  
何來勝友同今夕麗什清罇一席邊

鄭上舍投示一律仍步其韻

忽喜山僮報新詩來一通乍吟牙已爽  
欲和意還窮官酒令人醉林花繞郭紅  
冠童詠歸興相約舞雩風  
春夜逢喜雨仍步杜工部韻二首

知時一夜雨萬物喜春生岸柳看添色  
庭松聽有聲客懷何寂寞燈影自分明  
耕耒應謀婦晨炊出縣城

詩

歲荒無喜事此雨慰羣生半夜濛濛色虛檐滴滴聲  
綠添庭草重紅濕野花明酌酒仍相賀無妨滯海城

示姜友

永爾

萍逢千里會談笑兩宵通薄宦吾縻祿高文子送窮  
喜看雙眼碧興到一燈紅珍重畱連意多慚好士風  
姜友將歸挽止不得以詩記之二首

有朋乘興步清溪東閣逢迎眼不迷此夜正宜聯枕  
簟幾年相恨隔東西曾聞好客遷魚舍更賦畱賢繫  
馬蹄况是關情春雨細莫將行旆妄衝泥

夜來春雨漲前溪忽唱驪歌別意迷爲把詩章酬席



上憂攜罇酒出城西傷心芳草牽歸恨滿目飛花逐  
去蹄懸榻多年知最厚莫言交道隔雲泥

以賑恤事往南倉見黃使君去忠碑有感而  
吟

倉在城南壓海邊人言曾構壬辰年經營不用生民  
力治理爭稱太守賢糴糶轉輸均道里使星行次好  
畱連去忠碑刻黃侯字爲立門前尚屹然

丙午仲夏十五夜與充養齋諸君論文敘懷  
因吟一韻三絕

天中三五夜清興十分添憂是青襟會論文勝事兼

報主丹心在憂民白髮添談詩今夜會鈍拙媿還兼  
夜氣清明處煩塵不許添育英開一榻三樂此中兼  
白場呼韻因示充養齋諸君求和

偷得餘閒試藝催招來文武一場開升堂揖讓欣觀  
德同席研磨樂育才各盡歡娛添逸興莫辭潦倒有  
淡枯團圓竟日清宵繼不怕天河斗已回

六月初四日逢喜雨拈次唐韻示充養齋諸  
君

喜看行潦漲前庭爽氣侵軒醉忽醒禾稼沃焦膏已  
洽竹林鳴滴響堪聽那教早魃能爲虐始覺雲龍自



有靈且好官齋畱遠客從容一榻對雙青

翌日復會充養齋分詩賦接較藝終日而罷  
此實南來一勝事也構得一律示諸君

南風不競雨纖纖好得良辰勝事兼射主中時爭貫  
革詩言志處卻抽籤勝遊轉覺襟期密同席休言分  
義嚴盡日翱翔餘興溢且呼官酒一柸添

次杜律五言三首

倦作鄉書歇江邨已夕陰徐攜聊遣悶行李復關心  
竹砌風聲徹茅檐月色淡古人詩百首燈下自長吟  
作客侘鄉久逢君慰寂寥翦燈能幾夜揮麈又連朝

白雪沈江樹青雲倚洛橋離筵不隔日覓酒莫辭勞  
異鄉佳會地吾友復西來已喜分杯盡重謀竝轡迴  
寒梅臥凍雪風竹送微雷短律聊相和羈懷到處開

走草

客裏光陰似過星新春強半若爲情和風習習生官  
樹瑞氣蔥蔥滿洛城貰酒僮來豪興發討襟朋在旅  
愁輕一篇蕪語君休索移晷沈思媿不成

次人韻

西日才沈月復東爽然風檻露華通千林雨霽煙如  
織萬戶人稀夜似空客意都輸詩卷裏山光渾入畫



圖中罇前莫惜良宵飲卻恨頭邊髮已蓬

次贈鄭上舍

公庭無一事幽興此時長  
杏古空壇靜蘭芳小砌香  
舊痕苔印壁新茁竹穿牆  
吏隱真兼得陶然臥醉鄉  
旅館除夕次月沙集韻

送舊迎新此夜心不眠  
徒費短長吟春來白髮添  
雪臘盡青陽破積陰一樂自多  
君子有五窮寧避鬼  
兒侵北堂獻壽年年事  
客淚遙揮漢水潯

是夜復吟

離家經月又經旬  
經歲經年旅泊身  
時序不差消長

律客愁難慰送迎  
辰梳來白髮  
渾非舊醉後紅顏半  
是春愛憶北堂  
違彩舞懸燈達曙  
淚盈巾

孟夏日苦雨終日因次杜詩雨不絕韻

行雲浪藉雨霏微  
風引疎絲更亂飛  
庭草綠添看漸  
長野花紅歇見還稀  
誰家灑滴侵書幌  
何處冥濛濕客衣  
卻喜詩朋能挽得  
官途班馬未言歸

朴典籍金司藝蔡司錄諸員流頭日濯足于

碧松亭有詩追次其韻

甲寅

名區曾見鳳池西  
特地明沙不染泥  
御井山泉俱淨  
澈柳堤松徑自高低  
林連上苑通仙界  
洞接三清有



石磯東郭故人風味薄佳辰勝賞惜同攜

潦雨連日不得往訪親朋沙川朴丈吟一律  
以示之因次其韻

東閣追遊雨後停頽然三日臥疏櫺身如籠鳥囚難  
脫愁似醺醪醉半醒階面苔紋成錦錯案頭棊子散  
星零沙翁珍重詩相贈欣對雙眸句裏青

疊前韻

雨中誰到我僑停鸞語相親共短櫺寥落秋懷淒易  
感矇矓午睡喚難醒峯雲底意當幽散巖溜無端向  
砌零咫尺親朋仍阻隔嗒然愁對晚山青

奉和蔡司錄贈宋殷中韻

君心真箇古休休時望爭推最上頭  
幾處風煙供遠眺誰家花鳥任春愁  
疏姿自媿雞隨鶴雅量能容海納溝  
千里客因談笑處鄉思忘卻賦登樓

用前韻述客懷

役役形骸不自休塵埃容易沒人頭  
八年南浦纔閒趣千里西京又客愁  
叵耐秋風吹漢樹不關晴月滿城溝  
功名晚晚催華髮點檢行藏獨倚樓

安友

宅重

得第榮歸李上舍

廷臣

賦詩賀之

次其韻以贈



淨掃詩書案上塵十年溫習著工真從看太學知名  
士便作天衢得意人 聖主親臨恩獨荷男兒揚顯  
志能伸新榮好是南歸日晝錦輝增彩舞春

冬間泮中知舊次第還鄉獨與金司藝逐日  
過從以棊局相戲以敘其事二首

向來遊好漸成疏尚荷吾賢不棄余同說客懷年已  
暮爭誇某手日無虛新交若舊寧嫌晚古道亾今莫  
易初投以木桃期永好儻蒙珍重報瓊琚

追遊高榻不曾疏萍水交情孰似余雅量有容非合  
汙真心無間豈施虛羈禽盡向雲林裏孤棹相尋雪

八  
月  
初  
最  
喜  
慇  
懃  
相  
贈  
處  
鏗  
鏘  
聲  
韻  
振  
華  
琚

朴丈次韻以示復用其韻二首

憶昔追陪未敢疏風流席上許容余年殊少長猶無  
挾交外形骸卻若虛浮世豈堪紛聚散此心惟擬保  
終初投來寶唾酬無語多謝詩人報以琚

故人消息邇來疏悵望城西幾跂余猿鶴心盟前日  
事鶯花夢想一時虛孤吟半壁燈殘後獨立長安月  
滿初寥落此懷何處寫竹筒傳遣和瓊琚

雪寒甚獐四壁凝霜偶吟一律敘懷

寥落羈蹤到歲闌強愁難制病難安疏簾雪打侵膚



凜嶮壁霜凝入鬢寒千里家庭違定省九重宮殿隔  
躋攀辛酸客味何時了夜向燈花仔細看

金君

奎錫

有次韻余又和二首

世情羈患一時闌萬事從今信命安風傻間疏南嶺  
邈雪泥凝合北天寒鄉朋幸爾同來寓客棧欣然數  
去攀二十年前離闊意各憐華髮鏡中看

雪漲西天歲色闌一般羈抱若爲安不才媿我明時  
棄無命憐君布褐寒入室芝蘭欣久化臨筵瓊樹慙  
高攀蓬雲佗日相期事喜氣先從句裏看

次金君五言二首

詩

王塵論心處冰壺照眼明槐庭懷往事萍水笑浮生  
得失天難必升沈歲幾更晚成須莫歎先萎早花榮  
重逢廿載後清範尚分明共喜青眸拭相憐白髮生  
客懷傷暮歲情話討深更苦況今休說來時會有榮

用上韻自述

不寐吟長夜寒燈暗復明栖遲違夙計奔走誤平生  
世路多艱險人情好變更爲親干祿意非是慕浮榮

次贈金君

遠遊驚歲暮多病憫天寒世味飽辛苦長吟行路難

春日次月沙集紙鳶韻二首



紙鳶爭放洛陽城遠客居然觸物驚  
灾危驅除前古意繁華娛翫歲時情  
初疑鳳下三千仞卻似鵬搏九萬程  
分付街衢遊弄子長繩莫向禁林傾

潦倒經年滯洛城紙鳶飛處客心驚  
看佗操縱由人手笑爾浮沈學世情  
掠地飛來栖木末乘風飄去入雲程  
佳辰可賞羈懷惡呼取罇醪盡意傾

柑製日拈月沙集韻以志喜二首

團團秋色海中珍嘉味偏宜療渴脣  
品比仙桃知孰最價論楊橘定誰勻  
璧雍歲賜恩惟舊禁苑天臨喜更新  
無數清香隨雨露一時霑浥滿庭人

東宮集卷之一  
三  
絕知仙果最嘉珍  
芬藹黃欲爽  
脣海國清秋包貢  
謹試庭朝日  
賜宣勻金衣色  
暎宮盤鬱玉液香  
隨聖渥新濟濟  
青衿霑雨露箇中誰是占魁人

慟寒擁衾塊坐金順則來訪以三種鄉果投之喜占二律謝其意

昨夜燈花卜不虛  
愁眉今爲見君舒  
浮萍邂逅經秋後  
江樹分離動月餘  
款曲心情投野果  
平安消息說鄉書  
聊將拙語煩相贈  
慚媿詩人報以琚

羈愁兼病擁寒衾  
驚喜吾君忽地尋  
經學講時堪刮目  
詩文論處更虛衿  
荆山美璞須終琢  
滄海明珠豈



久沈聞說家庭書有勉要將忍字作良箴

金君言庭

書以忍苦勉戒云故末句及之

數日後金君來訪疊前韻贈之

慙寒龜縮自攜衾愁裏鄉書次第尋  
幸爾逢君開笑口爲誰連夜惱煩衿  
清談猶勝陳篇讀喜氣仍忘舊恙沈  
卻恐明朝還告別懸燈直到五更深

自述

雪後寧風透枕衾堆愁殘病互侵尋  
輕肥裘馬誰家子埋沒塵泥此客襟  
豈是聖恩殊厚薄固知人事有升沈  
只宜隨處安微分肯向名途擾我心

詩

除夕次月沙集韻

遲滯吾行始末期居然蹉到送迎時繁華節屆還無  
賴喜懼情滾况遠離衣錦榮歸新歲祝擊毬歡樂少  
年思明朝一齒將添得恐遣青銅照鬢絲

正月二日夜與金文

玄瑞

共次月沙集韻二

首

何幸今宵好友來爽然羈抱此中開清談疊疊香薰  
室醉興厭厭酒滿杯樗散明時慙朽質杞顛空谷惜  
賢材新年各有相期事得意春風竝馬回

世味如含苦危途似履冰欲憑詩遣興還媿字無僧



初四日夜與金丈共次月沙集韻四首

本無才格作人標豈有涓埃答  
聖朝瑣瑣形容長  
潦倒看看時世極煩囂九天曉日鵷行隔千里嶠南  
鳥道遙只是爲親求養意謾隨蝴蝶化三刀

不偶同庚會生猶竝世難荆園曾一識萍水此重歡  
對月情何極翦燈意未闌丁寧畱後約佳節共春盤  
千里歸心入鬢霜更逢新歲意何長明時棄物真堪  
恥卻任青緋滿洛陽

傑句抽花筆清談襲蕙香茲遊真勝事佳節又青陽

宋丹城

以詩示之戲次其韻

東坡全集卷之一  
三  
解紱歸來臥小菴若將無意向終南 聖明在上寧  
長往去就隨時定熟諳商嶺採芝歌欲歇邯鄲炊黍  
夢還酣也知自古休官計卻是尋常好事談

與金丈夜坐詠燈火

半壁青燈政可親三更淡處手挑頻分光正好臨書  
卷對影偏宜話故人偷得陽精能入夜結來花蘂自  
成春羈囟與爾長爲伴經歲淹留笑此身

上元與禹正字

李保寧

漢相

崔博士

諸人賞月踏橋夜淡而回賦得三首

一年明月最今宵令節佳朋幸見招映地不妨殘雪



在中天尤喜亂雲消  
王春景物三千界  
午夜遊人十二橋  
領得風光攜滿袖  
太平隨處起歌謠

客中佳節上元宵  
魂去鄉園久未招  
幸賴親朋今夕會  
從教愁思一時消  
春心醉入家家酒  
舊事歡騰處處橋  
是夜金吾寬禁令  
東街西陌任歌謠

佳節思家立遠宵  
勝遊催赴故人招  
天邊霽月光初動  
酒後輕寒勢欲消  
盡取繁華供滿路  
自將牢落倦登橋  
時和賸見人和象  
到處何妨採巷謠

吟呈李保寧

邂逅相逢泮水東  
百年交契片言中  
聞名豈恨封疆

異問齒偏欣甲子同已託金蘭分臭味肯容榛梗介  
心曾要將好意輸詩畫把筆多慚句未工

又贈李保寧二首

如水交情淡更濃客函朝暮數過從人生并世猶難  
得年輩同庚豈易逢求養一心俱寸草倦遊孤迹各  
飄蓬相知不必論新舊好義要須保始終

同庚此會續前因昕夕相從豈厭頻隨處唱酬供客  
況任情傾倒見天真功名有分人難取造化無私物  
自春事到強求終作孽嘉君斯語欲書紳

次贈宋殿中



泮水東西憶舊鄰中間離別幾愁人如今旅榻蕭條  
甚自古浮生散聚頻朝暮笑談那共討寒暄消息只  
相詢丁寧伐木三章意欲向吾君次第陳

雨中次呈李保寧

淡雲濃霧鎖遙岑好雨霏微灑禁林梅欲粧  
聰催淑氣柳將舒眼轉輕陰天心釀化寒全退客  
鬢牽愁雪半侵不識南鄰同病友此時閒坐幾篇吟

晴後

雲收霧捲露晴岑習習東風入院林淨洗江山新氣  
色陽和天地好光陰詩因麗景時時就愁惹鄉心日

詩

日侵安得青春歸作伴洛厓煙月一高吟

慈闈今年八十有八歲私心喜懼未敢一息  
弛也夏秋間累愆氣候賴天之佑竟得回春  
儘今日吾家莫大之慶也是年九月二十日  
爲設小酌鄉中父老多臨筵獻壽不肖輩感  
喜尤如何也李院長溟首呼七言絕句座中  
多續而和之不肖輩謹次其韻又以未盡意  
更構志喜四韻奉謝諸公

簇簇蓬門客旆翩光增慈母壽筵前私心喜極還生  
感一樂追思具慶年



慈齡八十八年今識得尋常喜懼淡冬笋縱慚誠孝  
感春萱不受雪霜侵融融一室孫曾集秩秩初筵長  
老臨夏願諸公畱寶唾敬藏家篋作球琳

輓洪進士伯經

禹疇

純性宏材賦予豐典型真箇故家風文章浩博推餘  
力雅行修治著實工守不撓時知立志行無苟處見  
操躬科名早恥人爭競得失惟聽命達窮攸好德全  
洪範福多男子半漢荀龍阿郎必做仁垂裕乃父猶  
賢正養蒙珍重誅詞非假外尋常誠服寔由衷元來  
厚誼從先子繼往心交逮後儂兩地蒼茫居住近百

東坡文集卷之一  
年情誼弟昆同連旬甲子俱遲暮到老從遊庶保終  
往者約言期惠好夢耶哀訃忽傳凶捐芳碧蕙三秋  
裏晦彩文星一夜中邈矣天閭高莫問渺然人物府  
應空春山哭送青衫士落日霑纓白髮翁

贈俞聖達

行到琴軒十里餘青山一畔有幽居故人辦得林泉  
勝遠寄殷勤一紙書

次安上舍子仁

錫龍

寄惠韻二首

自少深情老豈疎祗緣頽懶久無書蒼茫雲樹分南  
北互換光陰異慘舒青眼擬開春日煥白頭空悵歲



時除丁寧句裏前期枉好約君能不負歟

嗒然塊坐對孤峯寥落幽懷歲暮中人遠柰如千里  
隔地分曾不一朝崇媿余養懶交遊絕憐子沈疴藥  
石攻瓊什忽驚來入手始知離索兩心同

筵說

肅廟四十三年丁酉六月二十八日藥院引見時以  
奉常寺主簿從諸臣後 上曰奉常官進來小臣進  
伏于都承旨之側 上問曰汝讀何書臣對曰少誦  
四書三經以此登科矣 上曰亦觀史記知古今事  
實乎對曰粗嘗涉獵矣 上曰何史記各奏冊名以

達對曰少時讀史略通鑑其後資治通鑑綱目續綱  
目宋鑑明史亦嘗泛濫及之矣 上曰讀明史何名  
冊對曰明史本末明記編年明史綱目等書 上曰  
亦觀東史乎對曰亦嘗涉獵矣 上曰歷奏書名對  
曰東國通鑑金富軾所撰三國史高麗史列傳 上  
未及言都令曰亦觀麗史提綱乎曰亦嘗目見 上  
曰諸史中亦有讀之者乎 臣對曰披閱而已不曾熟  
讀 上又問亦見我東小說諸家乎對曰此等冊子  
多以類聚或海東野言稗官雜記忠齋撫言等諸小  
說家合成者矣 上曰旣通史傳則自天皇以下歷



代治亂之迹次次以對其間正統閏位亦隨奏以陳  
代數幾王年代久近亦隨其國細陳焉予將聞之對  
曰天皇以下至燧人氏則洪荒之世無可論述者伏  
羲神聖首出庶物造書契制婚姻其後傳世十五歷  
年過千而又無可稱述者炎帝制醫藥教耕耘傳祚  
八世歷年五百二十年因次及黃帝以下至帝舜次  
及夏后氏而曰禹之功德當被萬世而不及再傳爲  
姦臣所篡只有小康中興之一賢君而亦賴舊臣糜  
之力其下傳十四君歷四百五十八年而俱無足稱  
者矣上又問其次對曰殷湯聖人也以七十里而



王天下其後太甲太戊武丁祖甲祖己皆賢聖之君  
傳世三十一傳祚六百四十四年是時王語溫諄笑  
聲不絕 上因問周之享國幾年幾世對曰西周享

國三百餘年而成康以下無足觀宣王有中興之美  
而亦未盡善東遷以後歷五百餘年而所謂賢君寥  
寥無聞威烈王以其諡號觀之似差勝而初命三大  
夫爲諸侯列於國君亂君臣之分故司馬氏作資治  
通鑑首書其事朱子綱目亦始於此可以觀世變矣  
上又問其次國誰耶對曰秦始皇嬴氏其先出於伯  
益始顯於周穆王時相承五百餘年而至此以呂易



嬴故先儒論暴秦以呂易嬴史臣南宮氏有言曰作  
史者當書後秦記而不可因秦之舊號云云漢儒以  
閏位目秦以此也 上因顧諸臣曰呂嬴流傳之說  
如何諸臣未能的對 臣 夏白曰綱目書法與繼體之  
君無異筆以其子政立書之矣 上因泛論其過晷  
而生之說對曰嘗覽傳記帝堯帝舜文王王季十四  
月十五六月而生矣 上因次問漢事東西漢歷年  
代數各幾何對曰西漢十二帝二百十四年竝夏始  
十六年合二百三十年東漢十二帝一百九十六年  
上因問其中賢君爲誰對曰文中子論之曰西漢自

高祖以下有文武宣東漢自光武以下有明章其餘  
無稱焉此所以爲七帝之盛也云云其下蜀昭烈開  
國父子四十三年合爲二十六世四百六十九年

上又問無復可言歟對曰昭烈以中山靖王之裔統  
系分明則當爲正統溫公作資治通鑑不以與王統  
而以漢主書之固是可慨也故有纂史迷幾之誚

上問其下誰耶對曰晉司馬炎因復曰綱目亦以正  
統許之是可慨也方正學孝儒論之曰弑君圖位者  
爲正統則亂臣賊子何所懲乎如晉者當以變統之  
例書之云云矣上復問其下對曰此以下則六朝



矣。上復命各陳其年代國號賢君對曰劉裕之宋傳祚八世歷年六十所謂賢君只文帝義隆號稱元嘉蕭道成之齊七主相傳政無可稱壽亦不長享國才二十四年梁武帝名衍齊之疏族取位若漢之王莽享國四十八年崇佛斷牲餓死臺城故後賢論之曰餓死臺城而佛不之救云云其後三主相繼或二年或三年前後四主歷年五十六矣復問其下對曰陳霸先之陳傳祚五世歷年三十二其下隋文帝以后父奪國在位二十四年謹儉勤勞致富庶之盛至末年天下儲蓄可供五十年戶至八百九十萬其子



煬帝亡國而得國不正亦當不得爲正統而爲閏位  
矣 上曰歷代正統曾有定論乎對曰司馬光史纂  
以周秦漢晉隋唐爲正統 上復問唐事對曰唐祖  
李淵固仁厚有餘而剛斷不足以建成元吉之事觀  
之可知矣其得天下則蓋以太宗爲子也 上復問  
其歷年幾何傳代幾何對曰歷年二百八十九年傳  
代二十一 上復問賢君幾何可歷指而言歟對曰  
玄宗憲宗初號英武而皆不克終其下武宗亦號英  
武頗有功績而享國不永僅至六年其下宣宗之治  
亦號小康而第以察察爲明先儒以漢宣之流亞目



之矣 上復問其下何國對曰此下則五季矣 上  
曰各舉其國號歷年以對對曰朱全忠本以黃巢降  
將篡唐自立國號後梁而後十七年其子均王友貞  
爲李克用子存勗所滅存勗卽位國號後唐未幾爲  
李嗣源所篡養子潞王從珂立爲石敬瑭所滅而歷  
三姓僅十三年而亾敬瑭立建國號曰後晉十一年  
構禍契丹而亾太原守將劉知遠立國號後漢父子  
相繼四年而亾自古享國未有若此之促也其下則  
郭威以漢臣得國號曰後周無子以柴皇后兄子榮  
爲嗣姓柴是爲世宗號稱仁明英武在位六年功業



頗著平三關復淮右制禮作樂其子宗訓八歲卽位  
陳橋之役國歸於趙太祖因歷數太宗眞宗仁宗以  
對而略論其賢否 上復問東國自檀君以下歷舉  
以對對曰蓋聞檀君都於平壤國號朝鮮享國一千  
四十八年入阿斯達山爲神云權陽村入中朝應制  
詩曰伊昔洪荒日檀君降樹邊傳世不知幾歷年曾  
過千箕子朝鮮以周武王己卯東來開國治以八條  
之教享國九百餘年至四十一代丕之子準避衛滿  
亂浮海南遷居金馬郡又歷一百餘年而亡衛滿者  
旣逐箕準因居平壤城亦號朝鮮歷百餘年而至其



孫右渠漢武帝討滅之號稱三朝鮮其下則新羅高  
句麗百濟三國矣復問高句麗始祖誰也年代幾  
何對曰高句麗始祖名朱蒙姓高始制弓矢者也百  
濟始祖溫祚本以句麗之子避禍而南居南漢後句  
麗二十六年而開國初號十濟後稱百濟新羅始祖  
赫居世姓朴都慶州句麗四十六年而開國漢宣帝  
五鳳年間矣上又問享國幾何傳世幾何對曰享  
國九百九十二年傳世五十八王句麗享國七百五  
年百濟享國六百七十八年而俱各四十餘代矣  
上曰高麗諸王可歷數而亦指其賢否歟對曰麗太



祖尚矣以下惠宗光宗成宗而成宗最賢興學勸農  
愛民養士在位十五年號稱賢主其後穆宗昏庸爲  
權臣康兆所弑其次顯宗逢契丹之入南避湖中信  
任姜邯贊姜民瞻蔡知文楊規等終能破契丹復國  
在位號稱中興其下文宗在位三十七年賢名聞於  
宋國兄弟四次次繼立至其孫肅宗誅制強臣因  
以得位明達善用人至其子睿宗好文守成任用賢  
能蕩平咸興以北今六鎮地其子仁宗仁而不武輕  
信術士言建都平壤號太華宮以啓西京妖僧妙清  
之亂僅能克之至子毅宗輕佻喜文詞好戲嬉寵信



文臣韓賴金存中等以兆鄭仲夫之變廢遷慶州卒  
爲其所弑其下明宗神宗熙宗雖名爲君而受制強  
臣崔忠獻無足可論其下高宗安孝王在位四十年  
契丹蒙古連歲來侵內有忠獻專國不以王爲有無  
而能韜晦自守小心畏忌至使世子執贄親迎元世  
祖於梁宋之郊保安國家其子元宗亦稱恭儉其世  
子忠宣王尚元公主其下忠烈忠肅忠惠忠定恭愍  
王竝無足舉論 上頷可之笑語琅然連稱爽悽因  
命出將出之際 上問居在嶺南何郡 臣對曰龍宮  
臣世居也 上顧謂都令曰予聞史官之言多矣未

有此史官之博洽明悛也

卑窩文集卷之一



卑窩文集卷之二

書

答清臺權文

相一。丁巳

鄉居密邇既得源源之奉拜今又一麾南來州境相接萍鄉奇緣實不偶爾私竊以爲微分之過而仰想德範每不禁飢渴之懷方欲修候而忽蒙先施下存感賀殊深况伏審政候神相慰何可言重岱赴任有日百務堆積而風土謠俗全然昧昧祇覺擾惱耳頗示通度之遊實獲我心此非但山川形勝之覽賞可舒積久慕仰之緒兼有從容講討之事四月嫩綠之

期行將以仰副爲計然自顧塵相已局未知得此物  
外半日之閑否耳餘伏惟體力自保

答權江左

萬

自貽阻闊數年于茲矣翹瞻雲林徒切慕向之懷迺  
蒙仁愛之不棄遠辱心翰賀之以奉檄榮養其爲欣  
感正所謂不喜登第而喜得羅公一篇者也第審閒  
養林泉玩理益健甚慰久仰之思也重岱夙夜之餘  
又就簿書之期良覺役役而其於養親之資不無喜  
悅之私耳辭朝當不久踰嶺日預擬奉拜而矧有歷  
訪之勤教敢不力圖耶然而塵白行色恐或貽林慙



澗媿耳縷縷在面盡未前仰祈氣宇衛道保重

與李大山

象靖

竝世同省固足爲幸而洛中朝暮尤是奇緣顧此塵蹤靡定離合頗多悵恨何言恭惟體履自珍以答民社之衆望否區區不任向仰重岱南來以後一直役役而海邑殘弊實非駑才之所堪字撫只自悶歎卽欲賦歸田里相與追隨於林泉閒靜之中而未知何時得遂素志耳適有信梯故茲付千里安音兼呈數幅紙簡笑領如何

與朴臺憲

文秀。丁巳

頃聞鷺車南下卽欲往拜以舒多少之緒而公私牽掣莫之遂悃悚恨曷已竊伏想行轡氣候神勞增康而總憲植風震肅匝域矣重岱合下菲材守此劇邑實是私分之濫而適丁振古罕有之大歎闔境嗷嗷景色愁慘拯濟之策尚此杳然烏敢曰距心之知罪耶行次沿海諸郡似在不遠因是有面謁之梯預爲欣喜恭竢耳

與申察訪

鳳休

間頗相阻懷不能自己卽茲秋高啓居何似區區不任向泝重岱旅屑一味而日來偶患身疴叫呻度了



可悶也向時相約乘月之遊非直謫居之勝事此際  
如得一宵之暢敘則近日幽苑之病庶可痊悵也若  
蒙定期回示當除卻呵擁乘一款段飄然以赴諒圖  
之千萬仰俟

答申察訪

驛吏之來獲拜委問先感眷愛之迴別且喜信音之  
相接也第審邇來節度佳相十分欣慰可敵從容對  
討重岱滾倒窠臼無棕可告而間承家信稍慰望雲  
之懷也頗諭縷縷認出相愛之厚誼而洛行未發前  
當晉敘別懷計諒之如何

書

東坡全集卷之三  
三  
答金侯

尚默。壬申

久闕奉候。恆切仰慕。不自意。伏承下書。伏審。卽日庚  
災調攝。體候尚欠。復常區區。無任伏慮。重岱老母。氣  
息當暑。奄奄私心。煎迫如何。仰達下教。朱子考異。元  
無所有。楚辭果有之。而搜覓篋中。初卷無有。必是兒  
輩借人未還。而兒輩方在外。無以問知。徐當尋得。後  
呈上耳。

與安

浹

頃者惠札來。畱於赴公之際。而未知何人來傳。何時  
還歸。竟未修謝。至今恨咎在心。初冬向寒。卽日重侍。



諸節如何遠泝無已重岱彼時苦役因病見遞而今  
又仍之晨夕奔走殆難自力只爲外邊有階忍死經  
過未知前頭竟何如耳家庭消息未聞已月餘矣妹  
弟覲行爲其兼見子婦新行而婦行差待來春妹行  
亦宜畱待故月初送奴時以此意書達於庭闈自貴  
處幸勿催還如何慶甥連得無恙否聞有才善學可  
豔方被公名顛倒僅此

答族叔

之鈺。辛亥

嚮慕方涖忽枉下札滿紙委曲恍若款誨感幸何可  
量仍伏審秋暑未闌侍省體候萬安尤切仰慰堂內

痘患吉凶相仍賀未了而弔隨之人家禍福不常果如是耶三喪纔闋又有此憾益使人驚怛無已重岱自聞家親奔寓之苦遠遊之慮一倍難堪客味辛酸更不關心而七年之後始到京城蹤迹生疏茫然無抵向昔年猶有同道許多人相從之樂而今則甚零星矣欲振作則出門靡所適欲守靜則在京無意味有時憊然而發浩歎也務邑解由尚未出場數月致力於此一款而終未了得此亦勢孤故也此事旣礙尚何有佗望哉惟以待涼卽歸爲期耳教意仰悉來時煩託非敢忘諸而自謀旣拙何能善爲人謀耶鄭



參判以其慈惠去晦間急趨密陽衙庭姑未還朝來  
簡當竢其還卽傳耳先塋改莎事當依戒爲言鄭比  
安曾無面分徐當一訪而奉傳來札耳年事之被灾  
吾嶺特甚云此所謂人猶有所憾者耶旣無干祿之  
望自多家食之慮而切念固窮之中憂必倍之也

與族叔之鉦

令仲胤喪事是何凶音別來時強壯顏色尚在眼目  
曾未幾何遽至於斯耶千里聞訃且驚且疑繼之以  
涕淚也伏惟止慈如割之痛何以堪居曾聞慘變之  
後令伯胤繼痛幾跼危境而卒乃向安今於家奴來

又問消息則厥後更無佗故而卽今閤候萬安云是  
庸仰慰重岱當歸不歸尚此淹滯今年臘月荏苒將  
盡離親情事當復何如惟幸旅食僅免病苦且得家  
庭安報稍慰遠遊懷耳先塋改蒔事果以秋夕爲之  
耶抑拘於喪憂而未及行耶此是山下子孫之責不  
必待京族之助役而旣助之後又復遷就則其爲羞  
媿大矣竊想悲疚之中念不及佗而係是爲先事故  
敢奉質耳

答族叔

之鉉。甲寅

入京後或有僂信往來而每坐愆卒未能奉一書以



候恨咎方切卽於僂中先垂下問感悚尤深伏審靜  
體萬安不任仰慰之至重岱旅食無虞且得家庭平  
報稍釋遠遊之慮而客味到抵辛酸祇恨率爾妄動  
取此狼狽秋風乍起歸思轉切更待一二月僂當終  
辭終南不復回首清渭濱也來諭敬悉勤意然此豈  
拙者之所可圖也昔年粗識面目之人盡成疏絕此  
等緊說話無處可以開喙柰何

與族姪 好相

謹候卽日省下起居何如重岱得蒙借乘之惠長路  
行役無擾利泊吉禮順行新婦且賢私幸何諭彼中

東坡全集卷之三  
六  
雨澤比此太過兩日停行昨暮始得還栖而十七欲  
往護三江葬事其時庶可奉拜石魚五尾奉呈或可  
爲孝廚一時之供也耶

與金戚叔

尊伯氏喪事已經初暮而迄未書慰蓋緣累年旅遊  
廢絕鄉里間人事而罪悚一念橫在肚裏仍伏惟暮  
境鵠原之痛久愈難制何以寬遣重岱離親情理長  
時煎迫餘外客况何足仰諭向來久供人所不堪之  
劇役終未免因病見遞而曾未幾月又復驅策筋力  
殆盡恐難自強悶迫悶迫適偷少隙僅覓紙筆而忽



被公名催督顛倒不備狀式

與舍弟道瞻

重岳。辛亥。

別後絕無往來音信此懷當作何如戀鬱卽此亢旱  
庭闈氣候若何舍伯去十一無擾抵京仍得安過而  
渡漢以後風塵漲天此心已不悅矣差過數月卽當  
浩然而苦狀日甚度日如年奈何凡奇已書告於父  
主前更須不煩而所望於君者只是順承庭闈勸課  
兒輩且不放過自家工夫以盡吾分上事至如我宦  
路得失只付之命物者處分有何介然於其間哉旱  
灾此酷人將盡劉只恨有此無益之行徒費許多財

力也鐵兒近讀小學而往來於書塾耶痛禁其放浪之習而稍知向意於書冊則自當有進步然吾已傷恩君不可更加猛督諄諄善誘使之悔悟爲好近來鄉音無路聞知此鬱可堪邑人往來似絡繹而亦難揆知良才督郵早晚送人於本家云若然則當付書而未知其果爾也嶺人從宦者甚零星以此旅遊益無况耳萬忙不多及

答道瞻

初十日書廿二日來到霖潦中得此實所不圖喜倒若隔世消息第審痘發意外父主方移住柁席而寓



所隘陋艱苦倍加云當此暑濕頓失將攝易致疾患  
離懷焦煎益復如何未知近間氣體康寧慈闈氣候  
亦得平安諸節俱無事耶慮鬱不少弛也舍伯客狀  
一向保遣而解由事只待由吏之上來乃可出場遲  
速未可卜無所謀爲坐喫酸苦可笑可歎金進士戚  
丈亦上京不無所賴而尚無聲息計爲潦水所阻也  
復職未知必得况吾無久畱之勢自此當任分廢棄  
而但今行不可不了得解由一款去就久速以此爲  
期而似不出八九月間然必得順歸人馬而後可以  
托行裝以是預慮耳父主還頓若未易則家事之悶



東坡全集卷之三  
迫誠如所示且吾遠遊之懷有所難耐而千里往來亦難惟意當觀勢爲從便地耳鐵兒雖失善誘惟不廢日課嚴防走作則幸也農作一節問奴而已時時檢束其懶習而亦不可常加責督使有背心也

與道瞻

○壬戌

今十六日具生之去付書及藥材其已傳致否卽自幽郵得見今月初九日所出書因審其時父主寓中洩候非細龍兒腹病亦至轉加千里憂慮何可勝言舍伯客狀姑安而日寒斗劇冷落轉甚申友近已上來而尚未占得相容之處姑畱泮邨歲後當徐徐圖



占而泮中經過一日如三秋也吏判李台方以遠接  
使出去前勅已還後勅牌又繼至向來騷屑比初稍  
歇士大夫家或以避亂處爲言而此乃好事常談何  
足疑畏也勅使無大段作弊新皇之軫念我國不下  
於康熙云矣臘政未知行於何間而旣無得職之勢  
早晚不須關也金友德麟已託迹於館下齋得免栖  
遑亦爲親舊之幸也柑科設行於今廿五而任珽以  
三中直赴得初試者六人云

答仲兒必忠

○癸酉

奴馬還來仍見汝書以知遠役無撓何喜如之科事

初不關念於得失終何足介然於見屈也汝立志不確且不曾經艱苦客地過冬必多難堪之節此心懸念無異嬰孩之離乳下也通讀未始若得好同接而披抄於初坐則可幸且待館學之有闕而圖入則此爲得科之好階徑是所企望然惟當任數不可期必也家中慈候姑安寧諸眷俱無事不須勞遠遊之慮也汝不讀古書乎小不忍則亂大謀天將降大任於是人也必苦其心志勞其筋骨未有一生安樂而圖大事者汝須忍辛耐苦毋爲小丈夫戚戚之態鄭參判間已一見而有款意耶京人異於鄉曲雖無响响



厚眷不可輒生厭苦之心也士子行身當以謙恭爲主而亦不可鄙陋交遊之際不可不審也書冊及畱資之付送不可稽遲而秋收姑未垂畢奴輩役役無暇也開浦權生書冊畱在於泮主家云借見似好不  
必開卷而讀之閉目凝誦只考其疑慮處則好矣

答必忠

○甲戌

李先達回僂得書知汝旅食無恙且託迹於下庠喜不可言入庠之後能免寒苦而眠食一向安好耶遠慮不能頃刻弛也家中慈候康寧餘眷無佗撓可弛汝遠遊之憂也姜君之登龍壯哉壯哉有爲者亦若

是汝須忍辛耐苦以成萬丈功塔則豈有可毀之理  
眞積力久亨運自來但當修人事待天命然亦不可  
汨沒損精神以致疾病貽父母之憂也歲前由覲之  
意情理所不已而不但難得順便纔託迹而卽受由  
似涉未穩且立志堅固者或累年不歸家汝則情勢  
自別於餘人然亦何可數數往來也歸心一發有難  
制定姑勿動心觀勢以爲去就可也汝氣質懦弱殊  
無磊落氣像是余所憂也樓巖鄭令今已入城耶時  
時往見會洞鄭參議亦揆其有無而往見以致同宗  
厚誼韓上舍尹學士亦深結交契也出入權門雖非



士子執守而擇人結交亦進就之一路也且聖廟  
甚重居齋之道不可不十分謹慎切勿爲遊戲閑雜  
等說話端坐讀書而與益友講論文義若有買紙之  
道則食後習字亦不可放過也爲親封爵事已呈狀  
于官以爲轉報營門營門亦當以歲首啓聞而旣聞  
之後覆啓遲速惟在政院此事與鄭參議及尹學士  
相議先容於政院則好矣日前往見武夷李正字因  
與聯枕詳言汝凡百云汝於諸人會講中觸處皆通  
云稍慰汝父之心然不以已熟而益致其精書傳大  
篇常常成誦可也汝氣弱書大篇不可不致力故如

是耳

寄必忠。乙亥

月初裁書欲付邑僊而乖違適聞豐山鄭正字之上  
京以兩襪一衫付去追聞鄭正字中路還歸殊甚怪  
歎而汝之懸鬱想難堪也客中眠食連得無恙而齋  
中無難安之端耶一念懸係未嘗食息弛也家中無  
佗故前月廿七日安葬於望道亭近處局勢安穩可  
保無害而莫逮之痛愈益難堪占山旣晚葬日又急  
使汝不得臨穴永設此又人世無涯之痛也鞠獄今  
已收刷而科日已定耶今月 殿講旣不設行則受



由下來哭殯省墓道理之當然而不但順歸人馬之  
難得科前往來似失機會忍痛耐苦過夏至秋而如  
有下來之好機則臨時來見鄉試不然則圖觀京科  
隨時善處可也在天者不容較計而人事亦不可不  
修惟在汝之濇患爲之自此何可遙度而指揮也虎  
鳴張生與之同房耶千里相信莫如同道時世危險  
去就不可不審也科曰若定則鄉人似不無赴舉者  
而吾鄉之當去者姑未可知雖有去者付書之外難  
付重物汝之夏衣付送甚可關念聞價布色吏今明  
當上京故付書及一布衣而未知其果能卽傳也

答必忠

○乙亥

三江人傳六月廿七日書邑人傳今月十一日書知  
客中眠食連得無恙多喜多喜而捲堂事意謂非久  
當還入矣槐院使來至武夷傳言門外未入云若然  
則汝之栖遑殊可念慮一年居齋未得好機會而終  
至空然退出則所望皆歸虛甚可咄歎然萬事莫非  
天也亦此奈何科事果無退行之議而京試官已出  
於都政或有夤緣之路耶果爾則李正字奴馬卽當  
還來云因此僂下來甚順不然則莫如觀光於京試  
而數月寄食似難覓試具何以措辦也於京旣無好



機而又無住著之策則莫如因順僂下來惟在汝之  
審思浚去就也如不出齋忍苦因畱而觀光京試是  
爲上策不可輕先下來也家中姑無佗故而水後頽  
落之處尚未修理移殯已久還安未易情理尤極痛  
悶汝之經工傳者皆云館學無敵手吾之所倚望惟  
在於汝也龍山黃浹河南有欲觀京試之意云明日  
擬送兒輩揆其去就而京行果浚則託汝東堂事計  
耳

寄必忠。己卯

今十九日木天去付書與物想今明得達矣歲改後

尚未得來音懸鬱不可言汝旅食連得無恙耶通讀  
浚梢亦何如尚無消息意汝落莫而不欲速聞於家  
庭也然得失在天不當以是欣戚也家間諸節一向  
安穩此可慰汝遠遊之懷也通讀若歸虛則齋學託  
迹亦爲得科之階而出窠遲速未能預卜坐而待窠  
殊甚悶鬱然如有可望則不必以畱資爲慮聞穆洞  
權生上京要付書而有木天僂故未果此人必訪汝  
其歸也如有可貸之路隨多少取用也趙注書聞已  
出六想於上候平復之後以其入侍之久而有此  
賞典也此人可結交頻頻往見爲好金生科行前期



而發蓋以取路隄川故也入京未知在何間而汝在  
千里外得見同里親舊其喜可知也會講儒生非久  
上去汝若落莫則見人得意必多歎羨然秋菊春蘭  
各有其時豈以此動心也三經借人看耶閉眼常誦  
而考見疑處與人討論亦勿汨沒於誦讀勞弊精神  
可也今年必有一番 殿講是所望也

寄必忠。己卯

栲奴去時書想卽見之矣蒙奴來後夏未得音悛釋  
重負能得安適否先生之戲雖是好事亦所難堪其  
無所傷耶會試 殿試行於何日汝與姜先達同事

而能免無聊耶種種馳念不能弛也家中連得安好到門定以今廿八而凡百茫然日夜關心未知如何措爲也應榜諸具自京中果能推移辦備耶青衫當備好品其餘雜物但備其最緊急者而且從樸素可也奢必損眞所當加意也汝母忌日與唱榜相值極可悲愴吹笛及雜戲前期遏絕先生如有來尋者以此意懇辭也遊街時遍訪恩門及曾前知面之家同宗中擇其有爵者訪之可也唱榜後謝 恩謁 聖後發行似在廿日間踰嶺若在廿三間路由梁山寺轉向申應五家盡訪其處親舊則好矣然到門之前



浴

若無餘日則不可爲此觀勢爲之也至親中當迎見於嶺底而無騎未可必然豈無要通之便耶

答季兒必弘。丙戌

尹君來到於懸待之餘得書知千里艱苦之行得免顛仆矣落後眠食亦安極以爲慰科事得失初無期望何足介懷第前頭慶科旣云必行旣去之後因畱觀光人事當然而若差池無期則其前畱資極爲關念柰何家中姑無事而龍山安甥竟不起於宿病痛哭痛哭死者已矣而重侍情境極多難言家無代步不得往哭此豈人情柳院葬事姑無所聞而要不出

東坡文集卷之二  
春間此亦關念處也注書宦路不無魔戲此亦數也  
亦復柰何日前往山陽而柳君亦下送奴馬其馬亦  
病難可上去云早晚歸時將何致身於千里之程耶  
百爾患之竟無其策悶慮不比尋常權友畱人馬云  
或可同行而有相資之道耶凡百實難遙度惟在自  
愛好歸來耳

記

松溪菴重建記

塚傍築室古也昔朱晦翁葬母夫人於寒泉而作精  
舍以守之徐甄葬其父母樹以木築以室而名之曰



思亭此固孝子事父如事存之義且自親而下至于服盡服盡則情盡情盡則忘之夫自親而至于忘之者遠故也世代愈遠古墓無守牛羊踐之斧斤伐之煙火燒之不築室無以盡守護之道此墓舍之所以作也近世士大夫家墳塋必建齋舍置田以供祭奠樹木以芘丘壟不然者勢不能耳惟我十一世祖以下四世衣冠之藏在馬山墓藏谷局外舊寺洞古有松溪菴卽近世所謂齋舍也蓋聞昔時灑掃不鋸丘木甚盛中經亂離子孫零替菴廢而榛棘莽然山童而松杉濯然幾至於遠而忘之悲夫往在甲寅年間



族叔之鏹氏慨然以養丘木建齋舍爲己任屈力殫  
慮措施有方七八年而松楸蔭鬱貲財略備又五六年而置墓田營築室經始於己巳春匝數月而工告訖卜新基於局內者近塋下也仍舊號而名齋者不忘古也嗚呼古菴之廢不知幾年矣裔孫之居墓下者不知幾人矣而惟此族叔乃能辦得此累百年所未能之事雖不無諸孫合謀竝力之助而微族叔爲先之誠幹事之才亦安能至此乎偉歟盛哉抑有所因往追來深憂遠慮者何哉物理之興廢有數人事之變遷無常自此以往護丘木衛齋舍或不能常如



今日之爲則又不知後之視今亦猶今之視昔後人  
勉之哉渺余孱孫誠淺計拙縱不能與有助於是役  
然瞻望先塋幸見墓舍之重新烏可無一言以志喜  
至若養松料財置田建齋墓祀儀物之節次條約族  
叔已詳之茲不復贅



卑窩文集卷之二







